

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Gizarte Ekintza Saila**

Bizkaiko Foru Aldundiaren 83/2025 FORU DEKRETUA, abuztuaren 20koa, zeinaren bidez onesten baitira Gizarte Ekintza Sailaren dirulaguntzen oinarri arautzaileak eta deialdi publikoa, kalteberatasun-egoeran eta babesgabezia-arriskuan dauden ume eta nerabeei arreta emateko eta haiek gizarteratzeko jarduerak egiteko Bizkaiko Lurralde Historikoan 2025. urtean.

Bizkaiko Foru Aldundiak, bere eskumenen eremuan eta Gizarte Ekintza Sailaren bitartez, dirulaguntzak ematen dizkie Bizkaiko Lurralde Historikoan gizarte-zerbitzuak ematen diharduten irabazi-asmorik gabeko entitate pribatuei; horretarako, beharrezko diren diru-kopuruak izendatzen ditu Bizkaiko Lurralde Historikoaren aurrekontu orokorrean, eta dirulaguntzen deialdi publikoak onesten ditu foru-dekretu bidez.

Horrela, Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauan ezarritakoa betetzen da. Izan ere, arau horren arabera, laguntzak eta dirulaguntzak emateko, publikotasunaren, gardentasunaren, lehiakortasunaren, objektibotasunaren, berdintasunaren eta diskriminaziorik ezaren printzipioak bete behar dira, bai eta administrazio emailak ezarritako helburuak betetzeari dagokionez eraginkortasunaren printzipioa eta baliabide publikoak esleitu eta erabiltzeari dagokionez efizientziaren printzipioa ere. Gainera, dirulaguntzak eman baino lehen, oinarri arautzaileak ezartzen dituzten arauak onetsi behar dira.

Ume eta nerabeei dagokienez, Eusko Legebiltzarraren Haur eta Nerabeen otsailaren 15eko 2/2024 Legeak ezartzen du Euskal Autonomia Erkidegorako erreferentziazko esparru juridikoa. Lege hori ez da soilik adingabeen babesean oinarritzen, baizik eta bizitzaren eremu guztietan, izan esparru publikoan zein pribatuan, haien eskubideak aitortzen, sustatzen, prebenitzen eta leheneratzen edo itzultzen aurrera egiten du. Horri dagokionez, lege horren 7.1 artikuluan ezarritakoa aipatu behar da; honela dio: «Pertsona adingabeek beren eskubideak eraginkortasunez egikaritzen dituztela bermatzeko, euskal administrazio publikoek, bakoitzak bere eskumen-eremuan, honako jarduketa-ardatz hauen inguruan antolatu beharko dituzte esku-hartzeak: a) Haurren eta nerabeen ongizatea, beren eskubideak eraginkortasunez egikaritzea eta beren eginbeharrak beren gain hartzea sustatzea [...]».

Bestalde, 8.1 artikulua hau xedatzen du: «[...] sustapentzat jotzen da honako helburu hauek lortzeko politika, estrategia eta jarduketa multzoa: a) Pertsona adingabeei aitortutako eskubideen ezagutza, errespetua eta egikaritze eraginkorra bultzatzea eta sustatzea, bai eta haien eginbeharrak eta erantzukizunak beren gain hartzea ere; b) Gizarte osoa sentsibilizatzea eskubide eta eginbehar horien eta haur eta nerabeen beharren inguruan; c) Pertsona adingabeei aitortutako eskubideak egikaritu ahal izateko beharrezkoak diren baldintza egokiak egon daitezen laguntzea, eta pertsona adingabeek garapen osoa eta harmonikoa lor dezaten».

Berebat, Legearen 15.1 artikulua hau ezartzen du: «Euskal administrazio publikoek lege honetan erantzukizun publikoko zerbitzutzat jotzen ez diren zerbitzuak ematea sustatu edo babestu ahal izango dute, baita beste jarduera batzuk diseinatzea eta egitea ere, baldin eta zerbitzu horiek jarduketa-eremu bakoitzeko plangintza estrategikoan jasotako jarraibide orokorretara egokitzen badira eta irabazi-asmorik gabeko gizarte-ekimeneko entitateek garatzen badituzte, haien forma juridikoa edozein izanda ere». Bestalde, 60. artikulua hau xedatzen du: «Euskal administrazio publikoek, bakoitzak bere eskumen-eremuan, pertsona adingabeen gizarte-inklusihoa bultzatuko dute, [...]. Aurreko helburua lortzeko, euskal administrazio publikoek jarduketa hauek garatuko dituzte: [...] prestazioak eta zerbitzuak sustatuko dituzte pertsona adingabe guztiek, bereziki zaur-



garritasun-egoeran daudenek, lege honetan jasotako eskubide guztiak eskueran izatea bermatzeko».

Foru-dekretu honen bidez, dirulaguntzen oinarri arautzaileak eta deialdi publikoa onesten dira, kalteberatasun-egoeran eta babesgabezia-arriskuan dauden ume eta nerabeei arreta emateko eta haiek gizarteratzeko jarduerak egiteko Bizkaiko Lurralde Historikoan 2025. urtean, helbururik behinena izanik babesgabezia gertatzeko arrisku larriko edo oso larriko egoerak prebenitzea eta, hala badagokio, desagerrarazteko.

Euskal Autonomia Erkidego Osorako Erakundeek eta Lurralde Historikoetako Foru Erakundeek arteko Harremanei buruzko azaroaren 25eko 27/1983 Legearen 7.c.1 artikulua ezartzen du lurralde historikoei dagokiela, nori bere lurraldearen barruan, gizar-te-laguntzaren arloan legeria betearaztea. Nolanahi ere, Euskal Autonomia Erkidegoko erakunde erkideek ere zuzenean jardun dezakete arlo horretan, eta eskumen hori hala-ber aitortzen da Gizarte Zerbitzuei buruzko abenduaren 5eko 12/2008 Legean. Foru-dekretu hau honako arau-dekretu hauetan ezarritakoaren babesean ematen da: 3/1987 Foru Araua, otsailaren 13koa, Bizkaiko Kondaira Lurraldeko Foru Erakundeek Hauta-pen, Antolaketa, Erregimen eta Funtzionamenduari buruzkoa, eta 67/2025 Foru Dekre-tua, ekainaren 26koa, Bizkaiko Foru Aldundiko Gizarte Ekintza Sailaren Erregelamendu Organikoa onartzen duena.

Foru-dekretu honek betetzen ditu erregulazio onaren printzipioak, zeinak Administra-zio Publikoen Administrazio Prozedura Erkidearen urriaren 1eko 39/2015 Legean aurrei-kusten baitira.

Foru-dekretu hau egitean, kontuan hartu da zer jarraibide bete behar den generoaren arabera inpaktuaren aurretiazko ebaluazioa egiteko, oinarritzat harturik zer ezartzen duen martxoaren 16ko 1/2023 Legegintzako Dekretuak, zeinaren bidez onesten baita emakumeen eta gizonen berdintasunerako eta emakumeen aurkako indarkeria matxis-tarik gabe bizitzeko Legearen testu bategina. Horrez gainera, foru-dekretuaren izapi-detzean, genero-inpaktuaren aurretiazko ebaluazioari buruzko txostena jaso da, zeina aipatzen baitu, bere 3. artikuluan, honako dekretu honek: Bizkaiko Foru Aldundiaren 112/2024 Foru Dekretua, azaroaren 14koa, zeinaren bidez arautzen baita Bizkaiko Foru Aldundian generoaren arabera eraginaren aurretiazko ebaluazioa.

Halaber, aintzat hartu da zer xedatzen den Bizkaiko Foru Aldundiaren maiatzaren 28ko 63/2019 Foru Dekretuan, zeinaren bidez ezartzen baitira Bizkaiko Foru Aldundia-ren jardun-eremuan hizkuntza ofizialak erabiltzeko irizpideak.

Orobat, kontuan hartu da zer ezartzen den ekainaren 15eko 87/2021 Foru Dekre-tuan, haren bitartez arautzen baita Bizkaiko Foru Aldundian izaera orokorreko xedape-nak egiteko prozedura.

Horrenbestez, Gizarte Ekintza Saileko foru-diputatuaren ekimenez, eta Bizkaiko Foru Aldundiak eztabaidatu ondoren, honako hau

XEDATZEN DUT:

Artikulu Bakarra. — Oinarri arautzaileak eta deialdia onestea

Dirulaguntzen deialdi publikoaren oinarri arautzaileak onestea, kalteberatasun-egoer-an eta babesgabezia-arriskuan dauden ume eta nerabeei arreta emateko eta haiek gizarteratzeko Bizkaiko Lurralde Historikoan 2025. urtean. Oinarrien testua beherago xertatu da.

XEDAPEN GEHIGARRIAK

Lehenengo Xedapen Gehigarria. — Aurrekontuko partida

Dekretu honetan araututako dirulaguntzak honela izendatutako aurrekontu-partida-ren kontura ordainduko dira: 03 saila, 0302 organikoa, 231105 programa, 45100 eko-nomikoa, PEP 2007/0595, 2025eko ekitaldiko aurrekontua; partida horren diru-kopurua gehienez ere ehun eta berrogeita hamar mila (150.000,00) euro izango da.

**Bigarren Xedapen Gehigarria. — *Dirulaguntzak eteteko baldintza***

Dekretu honetan arautzen diren dirulaguntzak emateko baldintza etengarria izango da kreditu nahikoa eta egokia egotea, dagokion ekitaldian, dekretutik eratortzen diren betebeharrak finantzatzeko, hala izan behar duela xedatzen baitu Aurrekontuei buruzko abenduaren 29ko 5/2006 Foru Arauaren testu bategina onartzen duen abenduaren 3ko 5/2013 Foru Dekretu Arauemailearen 56.3 artikulua.

AZKEN XEDAPENAK**Azken Xedapenetako Lehengoa. — *Arauk emateko gaikuntza***

Ahalmena ematen zaio Gizarte Ekintza Saileko foru-diputatuari foru-dekretu honetan xedatutakoa garatzeko, betearazteko eta ezartzeko behar diren xedapen guztiak eman ditzan.

Azken Xedapenetako Bigarrena. — *Indarrean jartzea*

Foru-dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2025eko abuztuaren 12an.

Gizarte Ekintzako foru diputatua,
AMAIA ANTJUSTEGI ZIARDA

Ahaldun Nagusia,
ELIXABETE ETXANOBE LANDAJUELA



**GIZARTE EKINTZA SAILAREN DIRULAGUNTZEN DEIALDI PUBLIKOAREN
OINARRI ARAUTZAILEAK, KALTEBERATASUN-EGOERAN
ETA BABESGABEZIA-ARRISKUAN DAUDEN UME ETA NERABEEI ARRETA EMATEKO
ETA HAI EK GIZARTERATZEKO BIZKAIKO LURRALDE HISTORIKOAN 2025. URTEAN**

1. artikulua. — Xedea

1. Foru-dekretu honen bidez, Bizkaiko Lurralde Historikoak emango dituen dirulaguntzen deialdi publikoa eta oinarri arautzaileak onesten dira, kalteberatasun-egoeran eta babesgabezia-arriskuan dauden ume eta nerabeei arreta emateko eta hai ek gizarteratzeko Bizkaiko Lurralde Historikoan 2025. urtean.

2. Dirulaguntza horiek publikotasunaren, gardentasunaren, lehiakortasunaren, objektibotasunaren, berdintasunaren eta diskriminaziorik ezaren printzipioei jarraituz emango dira, lehia-konkurrentziako prozeduraren bidez, eta hainbanaketa-sistema aplikatuz adjudikatuko dira, prozesu honetan parte hartzen duen entitate bakoitzak lortutako puntuen proportzioan.

2. artikulua. — Entitate onuradunak.

1. Dirulaguntzen onuradun izan daitezke, baldin eta behar bezala eskatzen badute, betekizun hauek betetzen dituzten entitateak:

- Irabazteko asmorik ez izatea.
- Egunean izatea bai zerga-betebeharrak, bai zuzenbide publikoko gainerakoak eta bai Gizarte Segurantzarekikoak, maiatzaren 31ko 5/2005 Foru Arauaren 12.2 e) artikuluan arauturikoaren arabera. Eskabidea aurkeztzen denean, dirulaguntza ematen den unean, betebeharra aitortzen den unean eta ordainketa egiten denean, une horietan guztietan bete behar da baldintza hori, eta hala justifikatuko da espedientean, Ogasun eta Finantza Sailak erabakitzen duen moduan.
Eskabidea aurkeztzen denean, dirulaguntza ematen denean, ordaindu beharra aitortzen denean edo dirulaguntza ordaintzen denean, dirulaguntzaren onuradun den entitateak adierazitako betebeharrak betetzen ez baditu, hamar egun balioduneko epea emango zaio, agiri bidez frogatu dezan betebeharrak betetzen dituela, eta ohartaraziko zaio, hori egin ezik, eskatutako dirulaguntza ezetsi egingo dela edo, hala denean, dirulaguntza ezeztatu egingo dela.
- Bizkaiko Lurralde Historikoko Gizarte Zerbitzuen Foru Erregistroan inskribatuta egotea, dirulaguntzarako eskabideak aurkezteko epea amaitu baino lehen. Erregistro hori Bizkaiko Foru Aldundiaren martxoaren 26ko 62/2002 Foru Dekretuak arautzen du, zeinaren bidez Bizkaiko Lurralde Historikoko Gizarte Zerbitzuen Foru Erregistroa sortu eta berau antolatzeke eta ibiltzeko arauak araupetzen baitira.
- Emakumeen eta Gizonen Berdintasunerako ekainaren 20ko 4/2018 Foru Arauaren 42. artikuluan zerrendatutako inguruabarretan ez egotea, ezta aplikatu beharreko araudi espezifikoak dirulaguntza publikoak jasotzea eragozten duen gainerakoetan ere.
- Sexuan oinarritutako diskriminazioa dela eta, administrazio-zehapena edo zigor penala jaso ez izana zehapen edo zigorrean ezarritako epealdian.
- Egiaztatzea diruz lagundutako jarduerak egingo dituzten langileek Haur eta Nerabeen 2/2024 Legearen 314.2 artikuluan ezarritako betekizuna betetzen dutela; alegia, Sexu Delitugileen eta Gizakien Salerosketako Delitugileen Erregistro Zentralaren ziurtagiri negatiboa daukatela.
- Foru-dekretu honetan eta Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauan ezartzen den beste betekizun oro.

Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren 10. artikuluekin bat etorriz, deialdi honetan onuradun izango dira dirulaguntza emateko oinarri diren jarduera guztiak edo



batzuk entitatearen izenean eta haren kontura egiteko konpromisoa hartzen duten entitateko bazkideak ere.

Pertsona fisiko edo juridiko publiko nahiz pribatuen elkarteak direnean, eta nortasunik ez badute, elkarteak ezin izango da desegin harik eta Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren 35. eta 59. artikuluetan ezarritako preskripzio-epea amaitu arte.

2. Dirulaguntza hauetatik berariaz baztertuta geratuko dira egoera hauetan dauden entitateak:

- a) Diruz lagundutako jardueren erabiltzaileen % 50 baino gehiago erakunde jakin bateko kideak edo enplegatuak direnean, bai eta haien senideak direnean ere, edo entitateek beren arreta hertsiki teknikoa ez den irizpide baten mende jarzen dutenean.
- b) Beren jarduerak edo jardura nagusia osasunaren, kulturaren, lanaren eta hezkuntzaren edo udaletako oinarritzko gizarte-zerbitzuen berezko arloan soil-soilik garatzen dituztenean.
- c) Sexuen arteko desberdinkeriak zuzendu nahi diren kasuetan izan ezik, ezin izango dira onuradun izan onarpen-prozesuan edo funtzionamenduan pertsonak sexuaren arabera diskriminatzen dituzten elkarte edo erakundeak, ezta sexuan oinarritutako diskriminazioa dakarren jardueraren bat egiten dutenak ere.

Ezinbestekoa izango da betekizun horiek betetzea deialdiaren lehiaketan parte hartu ahal izateko. Betekizun horiek betetzen direla egiaztatzeko, eskabideak aztertu aurretik, foru-dekretu honen 10. artikuluan adierazten den batzorde teknikoak aurrebaluazio bat egingo du.

Betekizun horietako edozein ez betetzea dirulaguntza-eskaera ez onartzeko arrazoi izango da.

3. artikulua. — *Dirulaguntzarik jaso ezin duten jarduerak*

- a) Haurtzaindegi publikoak nahiz pribatuak.
- b) Familia-bitartekaritzako zerbitzuak.
- c) Zentroak mantentzea eta esku-hartze programen berezko jarduerak egitea, baldin eta dagoeneko Administrazio publikoko edozein entitatearekin kontratuak eta/edo hitzarmenak badituzte.
- d) Hezkuntzarekin, aisia eta astialdiarekin, kulturarekin, lanarekin eta/edo osasunarekin zerikusia duten programak eta proiektuak.
- e) Udalen eskumeneko programa eta zerbitzuak, kasuan kasuko udalean haietarako eskaria oso-osorik beteta dagoenean.
- f) Gizarte Ekintza Sailaren zerbitzuek edo Bizkaiko Foru Aldundiko beste edozein sailerako zerbitzuek inplementatutako programen bidez garatzen ari diren jarduerak eta zerbitzuak.
- g) Boluntarioak prestatzeko egiten diren jarduerak.

4. artikulua. — *Eskabideen aurkezpena eta epea*

1. Entitatearen estatutuaren ezarritakoaren arabera entitatearen gobernu-organismoaren legezko ordezkari direnek aurkeztu behar dituzte dirulaguntza hauek jasotzeko eskabideak, edo, bestela, horretarako ahalguztatuak direnek.

2. Eskabideak aurkezteko epea 15 egun baliodunekoa izango da, foru-dekretu hau Bizkaiko Aldizkari Ofizialean argitaratu eta hurrengo egunetik aurrera zenbatuta.

Eskabideak, ezarritako epeetik kanpo aurkeztuz gero, ez dira izapidetzeko onartuko.

3. Bizkaiko Foru Aldundiaren egoitza elektronikoa bidez aurkeztu beharko dira eskabideak, horretarako ezarritako prozedura baliatuz.

Eskabideak aurkeztzen duen pertsonak identifikazio eta sinadura elektronikoko sistema bat izan behar du.



4. Eskabideak eta/edo erantsitako dokumentazioak akatsik edo omisiorik izanez gero, entitate eskatzaileari errekerimendua egingo zaio, urriaren 1eko 39/2015 Legearen 68.1. artikuluan ezarritakoarekin bat, hamar (10) egun balioduneko epean, egoitza elektronikoa jakinarazi eta hurrengo egunetik zenbatzen hasita, falta zuzendu dezan edo aurkeztu ez dituen nahitaezko dokumentuak eman ditzan, eta adieraziko zaio ezen, hala egin ezean, eskaeran atzera egindakotzat joko dela, horretarako ebazpena aipaturiko legearen 21.1 artikuluan jasotako moduan eman ondoren.

5. Entitate bakoitzak eskabide bakarra aurkeztu dezake (jarduera desberdinetarako eskabide bat baino gehiago aurkeztuz gero, lehenengoa bakarrik hartuko da kontuan).

5. artikulua. — Dokumentazioa

1. Eskabideari jarduera-memoria bat erantsi beharko zaio, gutxienez honako hauek jasorik:

- a) Dirulaguntzaren xede den eta 2025. urtean garatuko den jardueraren programa zehatza.
- b) Helburuen zehaztapena.
- c) Jardueraren deskripzioa.
- d) Jardueraren jasotzaileen profila.
- e) Jarduera egiteko erabiliko den metodologia.
- f) Garapenari aplikatuko zaizkion baliabide materialak eta giza baliabideak.
- g) Kontratutako teknikarien prestakuntza eta esperientzia.
- h) Denborazko sekuentzia (proiektuaren iraupena, eta jarduera edo proiektu bakoitzak duen jarduera edo jarduketa egitekoaldiak).
- i) Lurralde-eremua.
- j) Jarduera horretan entitateak duen esperientzia.
- k) Diruz lagundu daitekeen jarduera hobeto ebaluatu ahal izateko interesgarri deritzen datu guztiak.

Entitate eskatzaileek hizkuntza ez-sexista erabili beharko dute beren eskabide eta memoriatan. Gainera, datuak sexuen arabera bereizita aurkeztu beharko dituzte.

6. artikulua. — Prozeduraren instrukzioa

1. Gizarte Ekintza Saileko Umeen Zerbitzuak antolatu eta instruituko du prozedura.

2. Umeen Zerbitzuak eskabideak eta erantsitako dokumentazioa aztertuko ditu, eta egiaztatuko du betetzen direla deialdi honetan ezarritako betekizunak, bitarteko telematikoenetik, Bizkaiko Elkarreragingarritasun Nodoren bidez, administrazio publikoetatik jasotzen duen informazioaren arabera, betiere interesduna modu arrazoituan aukera horren kontra agertzen ez bada, Administrazio Publikoen Administrazio Prozedura Erkidearen urriaren 1eko 39/2015 Legearen 28. artikuluan ezarritakoarekin bat.

3. Arrazoi teknikoak direla-eta elkarreragingarritasuna ezinezkoa bada, izapideak egiteko beharrezkotzat jotzen diren datu edo dokumentuak eskatu ahal izango zaizkio.

4. Beharrezkotzat jotzen den kasuetan, prozeduraren edozein unetan, instrukzioaz arduratzen den organoak behar dituen agiri osagarri guztiak eskatu ahal izango dizkio entitate eskatzaileari; horrez gainera, aurkeztutako eskabidea ebazteko egoki ikusten duen beste edozein betekizun edo izapide lehendik bete gabekoa gauzatzeko eskaria ere zuzendu diezaioke. Horretarako, Administrazio Publikoen Administrazio Prozedura Erkidearen urriaren 1eko 39/2015 Legearen 73. artikuluan xedatutakoaren arabera, hamar (10) egun balioduneko epea emango dio, jakinarazpena egin eta biharamunetik aurrera zenbatuta. Horrez gainera, beren-beregi adieraziko dio agindutakoa bete ezean izapiderako eskubidea galdu duela joko dela. Hala ere, interesdunaren jarduketa onartuko da, eta legezko ondorioak izango ditu, baldin eta epea iragantzat jotzen den ebazpena jakinarazten den eguna baino lehen edo egun horren barruan gertatzen bada.

**7. artikulua. — Dirulaguntza jaso dezaketen gastuak**

1. Dirulaguntza jaso dezaketen gastutzat joko dira dirulaguntzaren xede den jardueraren izaerarekin zalantzarik gabe bat datozen, hertsiki beharrezkoak diren eta dirulaguntzen oinarri arautzaileetan ezarritako epean egiten diren gastuak. Dirulaguntza jaso dezaketen gastuen eskuratze-kostua ezin izango da inola ere izan merkatuko balioa baino handiagoa.

Gai horretaz, honako hau zehaztu behar da:

- a) BEZa eta zeharkako zergak ezin izango dira inola ere dirulaguntza jaso dezaketen gastutzat hartu, berreskura daitezkeenean edo haiengatik konpentsazioren bat jaso daitezkeenean.
- b) Ezin izango da dirulaguntzarik eman finantza-gastuetarako eta higiezinak erosteko maileguen amortizaziorako.
- c) Entitatea mantentzeko gastuak proportzionalki egotzi beharko zaizkio diruz laguntzekoa den jarduerari.

Diruz lagundutako jarduerarekin zerikusia izan eta 2025. urteko ekitaldiaren barruan ordaindu dena joko da egindako gastutzat.

8. artikulua. — Dirulaguntza emateko irizpideak

1. Dirulaguntza hauek lehia-konkurrentziaren araubidearen bidez adjudikatuko dira, hainbanaketa eginda.

Bizkaiko Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren ondorioetarako, hau da lehia-konkurrentzia: dirulaguntzak emateko, aurkezten diren eskabideak erkatzen dira; oinarri arautzaileetan eta deialdian aldeztutako aurretik zehaztutako balorazio-irizpideen arabera, eskabideen arteko lehentasun-hurrenkera bat ezartzen da; eta irizpideok aplikatuz baloraziorik altuena lortu duten eskabideei adjudikatzen zaie laguntza, kreditu baliagarriaren barruan eta deialdian finkaturiko mugak errespetatuz.

Horrez gainera, kreditu erabilgarriaren gehieneko zenbatekoa dirulaguntzaren onuradun suertatzen diren entitateen artean hainbanatuko da. Horretarako, entitateek 30 puntu lortu beharko dituzte gutxienez.

2. Dirulaguntza jaso dezaketen jarduerak ondorengo apartatuetan azalduko diren-takoak izan behar dira eta apartatu horietako bakoitzean aipatutako puntuazioa lortuko dute.

- a) Kalteberatasun-egoeran eta babesgabezia-arriskuan dauden ume eta nerabeekin esku hartzeko eta/edo prebentzioa egiteko eta haiei arreta emateko jarduerak: 25 puntu.
- b) Atzeritar adingabeak Bizkaiko Lurralde Historikora lekualdatzeko xedea duten programa humanitarioetan parte hartuko duten pertsonak edo familiak ebaluatzeko, prestatzeko eta/edo hautatzeko jarduerak. Programa horiek azaroaren 19ko 1155/2024 Errege Dekretuaren IX. tituluko II. kapituluaren («Atzeritar adingabeak aldi batez lekualdatzea programa humanitarioen esparruan») arautzen dira. Errege Dekretu horrek Atzeritarrek Espainian dituzten eskubide eta askatasunei eta haien gizarteratzeari buruzko urtarrilaren 11ko 4/2000 Lege Organikoaren Erregelamendua onartzen du: 15 puntu.
3. 1. apartatuan lortutako puntuazioa baremazio honen arabera gehituko da:
 - a) Zerbitzu/programa/jardueraren izaera berritzailea.
Gehienez 10 puntu emango dira.
 - b) Giza baliabideak:
Kontratututako langileak, kualifikazio profesionala, adingabeen arretan duten esperientzia eta programan emango duten denbora.
Gehienez 10 puntu emango dira.



- c) Arreta jaso duten pertsonen profila:
Egoera hauetan dauden adingabeei arreta ematea:
1. Eskola-absentismoko arazo larriak dituzten adingabeak.
 2. Adikzio-arazoak dituzten adingabeak.
 3. Adingabe migratzaileak.
 4. Gizarte-ingurune ahuletan bizi diren adingabeak.
 5. Dibertsitate funtzionala duten adingabeak.
 6. Gizarte-zerbitzuen sistema publikoak bideratutako ume eta nerabeak.
- Gehienez 10 puntu emango dira.
- d) Arreta jaso duten pertsonen kopurua:
1. Adingabe kopurua.
 2. Familiar gizarte- eta hezkuntza-arloan esku hartzeko programa duten familien kopurua.
- Gehienez 15 puntu emango dira.
- e) Jarduera-memoriaren edukia eta lan-metodologia:
Jarduerak, metodologia, lan-prozesua, arreta jaso duten pertsonen jarraipena, dokumentu-euskarriak, ebaluazioa eta beste erakunde batzuekiko koordinazioa.
Gehienez 20 puntu emango dira.
- f) Entitate eskatzailearen esperientzia dirulaguntzaren xede diren jarduketak egiten.
Jarduera egiten daraman denbora.
Gehienez 5 puntu emango dira.
- g) Diruz laguntzeko jardueraren lurralde-eremua; nolanahi ere, Bizkaiko Lurralde Historikoaren barruan egon behar du.
- Lurralde Historikoa 5 puntu.
 - Udalerrria 3 puntu.

9. artikulua. — Dirulaguntzaren zenbatekoa zehaztea

1. Eskabide bakoitzerako zenbatekoa lortutako puntuazioa eta zenbateko finko bat elkarrekin lotzen dituen baremo baten bitartez zehaztuko da, dekretu honetan ezarritako mugak eta aurrekontuan baliagarri dagoen diru kopurua kontuan hartuta.

- a) Baremoa:
Emango den zenbatekoa finkatzeko, lortutako puntu bakoitzari 280 euro esleitu-ko zaizkio.
Puntuak lortzeko, 8. artikuluko irizpideak aplikatuko dira.
- b) Mugak:
Aurreko apartatuan lortutako kopuruaren muga eskatutako zenbatekoa izango da, eta kopuru hori ezin izango da izan, inola ere, dirulaguntza jaso dezakeen jardueraren guztizko kostuaren % 60 baino handiagoa, ez eta 28.000 euro baino handiagoa ere.
Ebaluazio-irizpideak aplikatu ostean gutxienez 30 puntura heltzen ez diren jarduerak ez dute dirulaguntzarik jasoko.
- c) Aurrekontu-baliabideak:
Foru-dekretu honen bidez araututako dirulaguntzek horretarako ezarritako aurrekontu-zuzkiduraren muga izango dute. Ondorioz, ez da nahikoa izango entitate eskatzaileak eskatzen diren baldintzak eta betekizunak betetzea; horrez gainera, beharrezkoa izango da eskabideari erantzun ahal izatea aurrekontu-zuzkidura kontuan hartuta.



2. Emandako dirulaguntzen zenbatekoa ezin izango da inola ere izan entitate eskatzaileak egin behar duen jardueraren kostua baino handiagoa, ez bera bakarrik, ez eta beste administrazio batzuek edo bestelako erakunde publiko zein pribatuek, direla naziokoak edo nazioartekoak, emandako beste dirulaguntza eta laguntzekin batera ere.

10. artikulua.— Batzorde Teknikoa

1. Batzorde Teknikoa arduratuko da, kide anitzeko organo legez, eskabideak aztertu eta haien ebazpen-proposamenak prestatzeaz. Batzordea osatzean, Emakumeen eta Gizonen berdintasunerako ekainaren 20ko 4/2018 Foru Arauaren 44. artikuluan ezarritakoa bete behar da. Era berean, Bizkaiko Foru Aldundiaren maiatzaren 28ko 63/2019 Foru Dekretuaren hirugarren xedapen gehigarrian epaimahaien eta batzordeen osakeri buruz xedatutakoa beteko da. Foru-dekretu horren bidez, Bizkaiko Foru Aldundiaren, haren erakunde autonomoen eta foru-sektore publikoaren jardun-eremuan hizkuntza ofizialak erabiltzeko irizpideak ezartzen dira.

2. Dirulaguntzen eskabideak ebatzi baino lehen, Batzorde Teknikoak dagokion proposamena egingo du. Batzorde horrek honako kide hauek izango ditu:

— Batzordeburua:

- Administrazioarako eta Gizarte Sustapenerako zuzendari nagusia.

— Batzordekideak:

- Umeen Zerbitzuko burua.
- Harrera, Ebaluazio eta Orientazio Ataleko burua.
- Familia Harreraren eta Adopzioen Ataleko burua.
- GUFeko Ume eta Nerabeentzako Zerbitzuen Dibisioko burua.

— Idazkaria:

- Umeen Zerbitzuko Administrazio Orokorreko teknikari bat.

3. Batzorde Teknikoak aurreko artikuluetan ezarritako irizpideak, mugak eta aurrekontuan baliagarri dagoen diru kopurua kontuan hartuta egingo du proposamena, eta dirulaguntzaren zenbatekoa ezarriko du dirulaguntzaren xede izanik eta deialdiko betekizun orokorrak eta espezifikoak beterik puntu gehien lortzen duten jardueren artean.

11. artikulua.— Ebazpena

1. Behin espedientearen instrukzioa eginda dagoenean eta Batzorde Teknikoak txostena, irizpena eta proposamena eman ondoren, Gizarte Ekintza Saileko foru-diputatuak ebazpen arrazoitua emango du, eskatutako dirulaguntza emateko edo ukatzeko, kontuan harturik zer xedatzen duten Bizkaiko Kondaira Lurraldeko Foru Erakundearen Hautapen, Antolaketa, Erregimen eta Funtzionamenduari buruzko otsailaren 13ko 3/1987 Foru Arauaren 39. artikulua eta Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren 9.1 artikulua.

2. Maiatzaren 31ko 5/2005 Foru Arauaren 23. artikuluan ezarritakoaren arabera, prozeduraren ebazpena eman eta jakinarazteko epea sei (6) hilabetekoa izango da, gehienez, eskabideak aurkezteko epea amaitu eta biharamunetik aurrera zenbatuta. Epe horretan ebazpenik ematen ez bada, eskaera administrazio-isiltasunez ezetsitzat joko da.

3. Ebazpen honek administrazio-bidea amaitzen du, eta, beronen aurka, entitate interesdunak aukerako berraztertze-errekurtsoa aurkeztu ahal izango dio Bizkaiko Foru Aldundiko Gizarte Ekintza Saileko foru-diputatuari; horretarako, hilabeteko epea izango du, ebazpena jakinarazi eta biharamunetik aurrera, Administrazioarekiko Auzien Jurisdikzioa arautzen duen urriaren 1eko 39/2015 Legeko 114., 123. eta 124. artikuluen arabera. Bestela, zuzenean administrazioarekiko auzi-errekurtsoa aurkeztu ahal izango du Euskal Autonomia Erkidegoko Auzitegi Nagusiko Administrazioarekiko Auzien Salan; horretarako, bi hilabeteko epea izango du, ebazpena jakinarazten zaion egunaren bihara-



munetik hasita, Administrazioarekiko Auzien Jurisdikzioa arautzen duen uztailaren 13ko 29/1998 Legearen 25. eta 46. artikuluekin bat.

4. Ebazpena Bizkaiko Aldizkari Ofizialean argitaratuko da, maiatzaren 31ko 5/2005 Foru Arauaren 17. artikuluan xedatutakoaren arabera.

12. artikulua. — Ebazpena aldatzea

1. Dirulaguntza emateko kontuan hartu diren baldintzetan aldaketarik gertatuz gero eta, edozein kasutan, beste administrazio batzuek edo bestelako erakunde publiko zein pribatuek, direla naziokoak edo nazioartekoak, emandako dirulaguntzaren bat aldi berean lortuz gero, dirulaguntza emateko ebazpena aldatu ahal izango da, eta, horren ondorioz, dirulaguntza deuseztatu edo laguntzaren zenbatekoa aldatu.

2. Diruz lagundutako jarduerak egin direla frogatzeko ezarritako epea igarota ez bada egiaztatu eta justifikatu denak ere aurrez ikusi bezala burutu direla, edo egindako eta justifikatutako gastua jarduerarako onetsitako (alegia, deialdia ebazteko foru-aginduan ezarritako) kostua baino txikiagoa bada (betiere, bi kasuetan, laguntzen helburua eta xedea betetzat ematen direlarik), dirulaguntzaren zenbatekoa birdoitu egingo da, benetan justifikatu eta/edo burututako kostuen arabera. Horretarako, proportzionaltasun-irizpidea erabiliko da, dirulaguntza emateko ezarritako irizpide eta mugei dagokienez.

13. artikulua. — Ordainketa

1. Dirulaguntza ordaintzeko agindua bakarra eta aldez aurretikoa izango da, entitate onuradunaren aldekoa; nolana ere, dirulaguntza emateko ebazpenean aurrez ikusi diren helburuetarako erabili behar da dirulaguntza osoa, eta aurretik foru-dekretu honetan ezarritako betekizunak bete behar dira.

2. Dirulaguntza hauen xede diren entitateak nolakoak diren kontuan hartuta, eta dirulaguntzen xede eta helburua eraginkorki betetzen laguntzeko, ez da bermerik eskatuko.

14. artikulua. — Betebeharrak.

1. Dirulaguntzen onuradun suertatzen diren entitateek betebehar hauek izango dituzte:

- a) Dirulaguntza emateko oinarri den jarduera egitea ezarritako moduan, baldintzetan eta epeetan.
- b) Entitate onuradunaren betebehar pertsonala da diruz lagundutako jarduera egitea, eta hori ez egiteko salbuespen bakarrak oinarri arautzaile hauetan ezarritakoak izango dira, horretarako mugatzat jorik Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren 27. artikuluan finkatzen direnak.
- c) Justifikatzea, foru-dekretu honen 15. artikuluan ezartzen den moduan, egin dela diruz lagundutako jarduera; justifikatzeko modua Dirulaguntzen Foru Erregela-menduaren 57. artikuluan araututakoa izango da, hau da, «justifikazio-kontua, gastu-frogagiriak aurkeztuta». Justifikazio horrek bi alderdi argituko ditu: batetik, gauzatu dela jarduerarako onartu zen kostu osoa, eta, bestetik, bete direla dirulaguntzarako eskabide-orrian jaso ziren betekizun eta baldintzak (hain zuzen ere, laguntza ematea ekarri zutenak).
- d) Dirulaguntza ematen duen agintaritzari berehala jakinaraztea helburu bererako dirulaguntza edo laguntzarik jaso bada beste edozein administrazio publikotatik edo bestelako erakunde publiko zein pribatuetatik, direla naziokoak edo nazioartekoak.
- e) Jardueren finantzaketan dirulaguntzaz gain funts propioak edo beste dirulaguntza zein baliabide batzuk erabili badira, justifikazio-agirian jasotzea beste funts horien zenbatekoa, haien jatorria eta funtsok nola aplikatu diren diruz lagundutako jardueretan.



- f) Gizarte Ekintza Sailaren egiaztapen-jarduketak eta Ogasun eta Finantza Sailaren finantza-kontrolerako jarduketak onartzea.
- g) Gizarte Ekintza Sailari jakinaraztea eskabidean adierazitako datuen inguruko gorabehera edo inguruabar oro, baldin eta funtsezko eragina izan badezake dirulaguntza jasotzeko edo programatutako helburuak betetzeko.
- h) Entitate onuradunek, behin dirulaguntza eman zaienean, ageriko egin beharko dute, era egokian egin ere, diruz lagundutako jardueren finantzaketaren publikotasuna.
- i) Bi hizkuntza ofizialak (euskara eta gaztelania) erabiltzea diruz lagundutako jardueraren inguruko jendaurreko agerpen guztietan.
- j) Bi hizkuntza ofizialak erabiltzea liburuxka eta kartel guztietan edo beste edozein euskarritan, herritarrei beren jardueraren berri emateko.
- k) Emakumeen eta Gizonen Berdintasunerako ekainaren 20ko 4/2018 Foru Arauaren 46. artikuluan aurreikusitakoa betetzea, salbu eta interes publikoko arrazoiek justifikatzen badute hala ez egitea; halakoan, justifikazio-txostena aurkeztu beharko du organo proposatzaileak.
- l) Ez erabiltzea hizkuntza eta irudi sexistarik sortzen diren agiri eta euskarrietan.
- m) Diruz lagundutako jardueraren jarduketa-esparru guztietan genero-berdintasuna betetzen dela zaintzea.
- n) Diruz lagundutako jardueraren onuradunak sexuaren arabera bereiztea; beharrezkoa bada, emaitzen analisisa egitea, eta emakume eta gizonen artean berdintasun handiagoa lortzeko etorkizunean hartu beharreko neurriak ere aztertzea.
Era berean, datuak sexuaren arabera bereizi beharko dira pertsonen buruzko edozein estatistikatan; hori guztia Emakumeen eta Gizonen Berdintasunerako ekainaren 20ko 4/2018 Foru Arauaren 24. artikuluen babesean.
- o) Bizkaiko Gardentasunari buruzko otsailaren 17ko 1/2016 Foru Arauaren II. tituluan jasotako publizitate aktiboaren eskakizunak betetzea.
- p) Bi arau hauek betetzea: batetik, Europako Parlamentuaren eta Kontseiluaren 2016/679 (EB) Erregelamendua, zeinak datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen baititu eta 95/46/EE Zuzentaraua indargabetzen baitu, eta, bestetik, Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoa.
- q) Jasotako dirulaguntzak gastua egin arte sortzen dituen interesak dirulaguntzaren xederako berrinbertitzea.
- r) Oztopo arkitektonikoak edota komunikaziorako oztopoak ezabatzeko lan egitea edo laguntzea dirulaguntzaren xede den jarduera egiten denean, ematen diren zerbitzuetan eta egiten diren jarduera eta ekitaldietan.

2. Gizarte Ekintza Sailak eskubidea izango du deialdian emandako dirulaguntzak eskaturiko helburuetara bideratzen direla ikuskatu eta kontrolatzeko, eta, beraz, egokiak iruditzen zaizkion azterketa- eta kontrol-sistemak erabili ahal izango ditu. Horretarako, entitate eskatzaile guztiak ikuskatu ahal izango dira, baita dirulaguntzak eman aurretik ere, indarrean den araudia betetzen duten ala ez egiaztatzeko.

15. artikulua. — Justifikazioa

1. Bizkaiko Foru Aldundiko Gizarte Ekintza Sailak emandako dirulaguntza justifikatzeko, justifikazio-kontua aurkeztu beharko da, zeina martxoaren 23ko 34/2010 Foru Dekretuaren 57. artikuluan arautzen baita. Dekretu horren bidez, Dirulaguntzen Erregelamendua onesten da, Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Araua garatzen duena.

2. Aurreko guztia aintzat hartuta, entitate onuradunek justifikazioaren betebeharra 2026ko urtarrilaren 7ko 00:00etatik martxoaren 31ko 23:59ra bitartean bete beharko dute, egoitza elektronikoan dirulaguntzaren justifikazio-kontua aurkeztuz.



3. Dirulaguntzari egotz dakizkikeen jardueraren gastuak 2025eko ekitaldi ekonomikoan egin beharko dira, eta aldi horren barruan garatutako jarduerari lotuta egon beharko dute.

4. Honako hauek osatzen dute justifikazio-kontua:

a) Dirulaguntza ematerakoan ezarritako baldintzak bete direla justifikatzen duen jarduketa-memoria, egindako jarduerak eta lorturiko emaitzak adierazita. Memoria horretan, gainera, amaierako txostena jaso behar da, jarduera zenbateraino bete den, nola garatu den eta zer helburu lortu diren adierazteko datu kualitatiboak eta kuantitatiboak jasota, baita alderdi hauek zehaztuta ere:

1. Egindako jardueraren deskripzioa.
2. Zuzeneko arreta jaso duten pertsonen buruzko informazioa, baita zeharkako onuradunen estimazioa ere, datuak sexuaren arabera bereizita.
3. Ea jarduerak bi sexuetan izan duen eraginik, eta, hala izan bada, nolakoa izan den haietarik bakoitzean.
4. Ebaluazio-adierazleak.
5. Jarduerak gauzatzean gertatu diren gorabehera adierazgarriak.
6. Jarduera gauzatzeko jarri diren giza baliabideak eta baliabide materialak.
7. Hasiera-data eta amaiera-data.
8. Ordu kopurua (astekoak, hilekoak... diren adierazita)
9. Egin beharreko aldaketak edo hobekuntzak.
10. Emaitzen azterketa eta etorkizunean emakumeen eta gizonen berdintasun handiagoa lortzeko hartu beharreko neurriak.

b) Diruz lagundutako jardueraren kostua justifikatzeko memoria ekonomikoa, eduki hauek jasota:

1. Diruz lagundutako jarduerari egotzitako sarrera eta gastuen egoera-orria.
2. Aurreko apartatuan aipatutako gastuen egoera-orria osatzen duen partida bakoitzeko, diruz lagundutako jardueraren gastuak sailkatzeko zerrenda bat, hartzekoduna eta agiria identifikaturik, bai eta haren zenbatekoa, jaulkipen-data eta, hala badagokio, zenbateko hori zein egunetan ordaindu zen ere. Dirulaguntza hori aurrekontu baten arabera eman bada, aurrekontuan izandako desbideratzeak zehaztu behar dira.
3. Sarreren egoera-orria osatzen duen partida bakoitzeko, diruz lagundutako jarduera finantzatu duten beste dirulaguntza, laguntza, sarrera edo baliabide batzuen zerrenda xehatua, bai eta eskatzen den finantzaketa propioarena ere, bakoitzaren zenbatekoa eta jatorria adierazita.
4. Hala badagokio, itzulketaren ordainketa-gutuna, aplikatu gabeko soberakinak badago, bai eta haien ondoriozko interesena ere. Gizarte Ekintza Saileko Administrazioarako eta Gizarte Sustapenerako Zuzendaritza Nagusiak hasi eta izapidetuko du itzulketa egiteko prozedura, entitate onuradunari entzun ondoren.

Ezin izango da egotzi jardueraren kostu osoaren % 10 baino gehiago zeharkako kostu gisa.

5. Dirulaguntza justifikatzeko eskatzen diren agiriak aurkeztu eta agiri guztiak daudela ziurtatu ondoren, dirulaguntza ematen duen organoak gastuen zerrendan ageri diren fakturak edo merkataritzako trafiko juridikoan frogabaliokidea edo eraginkortasun administratiboa duten gainerako agiriak eta, hala badagokio, ordainketa egiaztatzeko agiriak eskatu ahal izango ditu. Laginketa-tekniken bidez egingo da aipatutako frogagiriaren egiaztapena, dirulaguntza egoki aplikatu dela ondorioztatzeko ebidentzia nahikoa lortzeko; horretarako, aukeratutako gastu-frogagiriak bidaltzeko eskatu ahal izango zaio onuradunari, bai eta ordainketa-frogagiriak bidaltzeko ere.



Horrela eskatuz gero, diruz lagundutako jardueraren gastuak justifikatzen dituzten jatorrizko agiriak eta haien kopiak aurkeztu beharko dira, ordenatuta eta zenbakituta; horrekin batera, haien guztien zerrenda bat aurkeztu behar da.

6. Faktura horiek bete egin behar dituzte fakturazio-betebeharrak arautzen dituen Bizkaiko Foru Aldundiaren urtarilaren 22ko 4/2013 Foru Dekretuko 6. artikuluan ezarritako betekizunak.

Salbuespen gisa, entitate onuradunek emandako ziurtagiriek balioko dute gastuak justifikatzeko, baldin eta faktura erraztuak edo arautegia betetzen duten beste frogagiri batzuk bakarrik badauzkate. Gastu-kontzeptuaren arabera batuta eta haien zenbateko osoa adierazita aurkeztuko dira.

Halaber, entitate onuradunak dirulaguntzen deialdi honen xedearekin zerikusia daukan informazio eta dokumentazio osagarri guztia aurkeztu beharko du hala eskatzen bazaio.

16. artikulua. — Entitate onuradunak dirulaguntza bere borondatez itzultzea

Entitate onuradunaren ekimenez dirulaguntzaren zati bat edo osoa itzultzeko, beharrezkoa izango da aurretik ordainketa-gutun egokia eskatzea, Dirulaguntzen Erregelamendua onesten duen Bizkaiko Foru Aldundiaren martxoaren 23ko 34/2010 Foru Dekretuaren 76. artikuluan ezarritakoaren arabera.

17. artikulua. — Itzultzea

1. Bizkaiko Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren 33. artikuluan ezarritako kasuetan, onuradunak jasotako zenbatekoa eta dagozkion berandutze-interesak itzuli beharko ditu.

2. Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) berekin ekarriko du laguntza itzuli behar izatea. Itzulketak hori kalkulatzeko, dirulaguntza emateko orduan kontuan hartutako baremo eta irizpideen arabera koportzionaltasun-irizpidea erabiliko da, dirulaguntza emateko ezarritako muga barruan.

3. Berandutze-interesak kalkulatzeko, dirulaguntza ordaintzen den unetik gastuaren justifikazio-kontua aurkezten den egunera arte zenbatuko da; betiere jarduera oso-osorik bete dela egiaztatzen bada edo, halakorik egiten ez bada, konpromisoak zailantzarik gabe erabat betetzeko jokabidea ikusten bada.

18. artikulua. — Zehapen-araubidea

1. Entitate onuradunak Foru Administrazioak emandako dirulaguntzen araubide juridiko orokorra arautzen duen maiatzaren 31ko 5/2005 Foru Arauaren IV. tituluaren («Dirulaguntzei buruzko arau-hauste eta zehapen administratiboak») ezarrita dauden arau-hausteetako bat egiten badu, zehapena ezarriko zaio, dagokion zehazpen-espedientea hasi ondoren, honako arau hauetan ezarritakoaren arabera: 39/2015 Legea, urriaren 1ekoa, Administrazio Publikoen Administrazio Prozedura Erkidearena; 40/2015 Legea, urriaren 1ekoa, Sektore Publikoaren Araubide Juridikoarena, eta 1/2023 Legea, martxoaren 16koa, Euskal Administrazio Publikoen Zehatzeko Ahalari buruzkoa.

2. Zehapena ezartzen zaion arren, bidegabe lortutako dirulaguntzaren zenbatekoa itzuli beharko du onuradunak.

19. artikulua. — Jakinarazpen elektronikoa

Entitateei egin beharreko jakinarazpenak bitarteko elektronikoen bidez egingo zaizkie, Administrazio Publikoen Prozedura Erkidearen urriaren 1eko 39/2015 Legearen 40. artikuluan eta hurrengoetan ezartzen denarekin bat.

Bitarteko elektronikoen bidez egin beharreko jakinarazpenak Bizkaiko Foru Aldundiaren Egoitza Elektronikoa agertuz egingo dira (www.ebizkaia.eus), Administrazio Elektronikoa buruzko maiatzaren 5eko 62/2015 Foru Dekretuan xedatutakoaren arabera.

**20. artikulua.—Aplikatu beharreko araudia**

Foru-dekretu honetan arautzen diren dirulaguntzek, dekretuari berari jarraitzeaz gainera, beste hauei ere jarraitu behar diete: Foru Administrazioak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Araua; martxoaren 23ko 34/2010 Foru Dekretua, zeinaren bidez onesten baita Dirulaguntzen Erregelamendua, aipatutako 5/2005 Foru Araua garatzen duena, eta aplikatzekoak diren gainerako arau guztiak.

Halaber, foru-dekretu honetan aurreikusi ez den guztirako, modu osagarrian aplikatzekoak izango dira Administrazio Publikoen Administrazio Prozedura Erkidearen urriaren 1eko 39/2015 Legearen arau orokorrak, bai eta arau horiekin bat datozen eta aplikatzekoak diren gainerako indarreko lege-xedapen guztiak ere.

21. artikulua.—Dirulaguntzen onuradun diren entitateetako arduradunen datu pertsonalen tratamendua

1. Datu pertsonalak arau hauen arabera tratatuko dira: 2016/679 (EB) Erregelamendua, apirilaren 27koa, datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituena; 3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa, bai eta Haur eta Nerabeen otsailaren 15eko 2/2024 Legearen I. tituluko 2. kapitulua ere.

2. Tratamenduaren arduraduna Gizarte Ekintza Saileko Administrazioarako eta Gizarte Sustapenerako Zuzendaritza Nagusia da (Ugaskobidea 3 bis, 48014 Bilbo), eta datuak babesteko ordezkaria, berriz, Herri Administrazioarako eta Erakunde Harremanetarako Saileko Informazioaren Segurtasuna eta Datu Babesa Bideratzeko Ataleko burua (Kale Nagusia 2, 6, 48001 Bilbo).

3. Tratamendu hori ahal publikoak baliatzeko eta legezko betebeharrak betetzeko egingo da.

4. Datuak interesdunari edo haren ordezkariari eskatuko zaizkio, baita beste administrazio, organismo, erregistro edo entitate publiko edo pribatu batzuei ere, legeak ezartzen dituen mugen barruan.

5. Bildutako datuak dekretu honetan arauturiko dirulaguntzak kudeatzeko erabiliko dira.

6. Ez da datu pertsonalik lagako, non eta ez dagoen horretarako betebeharrak legalik edo interesdunaren baimenik. Horrez gainera, ez da aurreikusten hirugarren herrialdeetara edo nazioarteko erakundeetara datu-transferentziarik egitea.

7. Interesdunak eskubidea du bere datuak eskuratzeko, zuzendu edo ezaba daitezela eskatzeko edota haien tratamendua mugatu edo aurkaratzeko, idazki bat bidaliz Informazioaren Segurtasuna eta Datu Babesa Bideratzeko Atalera.

8. Eskubide horietakoren bat baliatzeko aukera mugatu daiteke baldin bateraezina bada botere publikoen jardunarekin edo aplikagarria den araudiaren arabera legezko betebeharrak betetzearekin.

9. Datu pertsonalen tratamenduari buruzko informazio zehatza Tratamendu Jardueren Erregistroan (TJE) kontsultatu dezakezu, Bizkaiko Foru Aldundiaren egoitza elektronikoan.

22. artikulua.—Diruz lagundutako jardueran parte hartzen duten pertsonen datu pertsonalen tratamendua

1. Foru-dekretu honetan araututako dirulaguntzaren onuradun suertatzen den entitatea, bera izango da diruz lagundutako jardueratik eratorritako datu pertsonalen tratamenduen arduradun bakarra. Berezik, nahitaez bete beharko ditu bi arau hauetatik etor litezkeen printzipio eta betebeharrak: batetik, 2016/679 (EB) Erregelamendua, Europako Parlamentuarena eta Kontseiluarena, apirilaren 27koa, datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituena eta 95/46/EE Zuzentaraua indargabetzen duena, eta, bestetik, 3/2018



Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa.

2. Esandakoari jarraikiz, hartuko ditu zenbat ere neurri tekniko eta antolakuntzazko behar diren hori betetzen dela ziurtatzeko, eta Bizkaiko Foru Aldundia erantzukizun orotatik salbuetsita geldituko da datuen tratamenduan.

3. Baldin eta entitateak Bizkaiko Foru Aldundiari komunikatu behar badizkio diruz lagundutako jarduerako parte-hartzaileen datuak, orduan Administrazioarako eta Gizarte Sustapenerako Zuzendaritza Nagusiak hartuko du tratamendua egiteko ardura, eta datuok integratu egingo dira «Adingabeak babestea» arloaren tratamenduan.

4. Era berean, Erregelamenduaren 13. artikuluan ezarritakoa betez, entitateak, gainera, diruz lagundutako jardueretan parte hartzen dutenei jakinaraziko die beren datuak Bizkaiko Foru Aldundiari jakinaraziko zaizkiola, beste zorro-zerbitzu batzuekiko bateragarritasuna egiaztatzeke eta gizarte-zerbitzuen arreta osoa bermatzeko.

5. Hori guztia albo batera utzi gabe noizbehinka eska daitezkeen datu pertsonalak, dirulaguntza benetan bere xederako erabiltzen dela egiaztatzeke asmoz, dirulaguntzak arautzen dituen araudia betetzeko.